

Tik šešoulītē

Je nebūtumi žuodē ištarusi,
Būčio pramuoglēnēs kap pruo svetēma.
Jezau, kēik to parsimainiusi!
Kū padērba tēi baisē metā!
Tik ka akis nūsoko kētor,
Gērdo balsa tū pati, kap tumet,
Ka liūb širdi kap sīga suvirpīs
Patis paprastējē žuodē.
Kam maloutē? I dabā junto
Šélēma – beveik tuokē kap toukart,
Ka joukouji, ka rokoujīs,
Ka joukīs – tēik smolkē, smolkē.
Bet paveizo – šiurpis pārein
Par krotēnē, par nogara... Nuorio
Riektē kap vāks, ka senē nebier
Tuo, kas tēkrā bova gīvenēms, –
Kurī atmēnam dā kartās,
Tiktā suvēso be rēkala:
Jug šešoulītē belēkuom –
Tēi, kor blunk i prapol briekštont.

Vilniou, 2004-09-14